



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 3. De Obligatione Avi paterni dotandi neptem.

[urn:nbn:de:hbz:466:1-73058](#)

babilitate, probabilius tamen est, etiam tunc deberi, ut docet Castropalaus tom. 7. de Iust. D. 9. p. 4. §. 1. num. 2. cum quia dōs, legitime subrogatur. L. quoniam. C. de inoffic. testam. legitima vēd filiis, quantumvis divitibus, debetur. §. Alius quoq. Authent. ut cūm de appellat. tum quia L. qui liberos. ff. deritu nupt. & L. ult. C. de dotis promiss. dicentes, Patrem cogi, filiam nubere volentem, in matrimonium locare, ac dotare, loquuntur, quando filia erat dives bonis maternis.

Ex hoc etiam patet ad aliterum; concedo enim, quod canones, & decretum. Conciliare in hac materia solum reprovent illas leges, quibus non observantibus conditions à jure laico præscriptas in matrimonii contrahendit, imponuntur poenae, cauantes damnum rei propriae, vel privationem juris quasi, alias quasi debiti: sed nego privationem dotis, vel hereditatis, in casu, quo causā matrimonii invitis parentibus contraacti, imponitur à legibus laicorum, non esse privationem juris quasi, quod alias quasi debitum est. Nam hereditatis, vel dotis legale debitum fundatur etiam secundum ius positivum in legitima filiatione.

Nec juvat dicere, hoc debitum infirmari, aut etiam annullari per leges oppositas. Nam 1. haec est expressa petitio principii, ut pater consideranti. 2. si leges opposite haberent eam vim, deberent etiam nunc post authenticam, de qua n. 483 esse in vigore, cuius contrarium ibidem ostensum est. 3. deberent disponere in materia sibi subjecta, & nec indirecte de alieno; sed nec istud habent ex num. 1269. ergo.

Quod in eod. num. 1770. à de Luca dicitur, quoad Canonicas forenses, valde dubito, an ita, ut existimat, vetum videri posse consideranti modum, quo quandoque tales Causidici procedunt in judicis fori externi. Mihi certum est, à nonnullis non raro, non tam attendi causae meritum, quam, quod tali advocate forensi servit in rem sui Clientis, quem tunc defendit; id, quod ex tot legibus contra Collufores, Calumniatores, tergiversatores &c. sat is constat; & experientia manifesta docet. Prætermitto plura, in hanc rem, ceteroquin valde opportuna. Rectius

Tom. IV.

dicitur, eorum sententiam cæteris prærendam, qui, quod statuunt, meliori ratione, vel jure nituntur.

§. 2.

De Obligatione Matris dotandi filiam.

Quæstio est, an Patre non habente, 1774: unde possit dotare filiam, teneatur Mater? Resp. ipsam, per se loquendo, non obligari filias dotare, aut donationem propter nuptias filiis constituere. Nam haec est obligatio Patris, non Matris. Sic Castropalaus cit. §. 1. num. 7. & constat ex L. Neq. Mater. 14. C. de jure dot. ibi: Neq. Mater pro filia dotem dare cogitur, nisi ex magna, & probabili causa (v.g. quia est periculum incontinentiae) vel lege specialiter expressa, neq. Pater de bonis Uxoris sue in vita, illam dandi, habet facultatem. Dixi per se, secus enim est per accidens. Nam 1. si filia pudicitæ periculum subiret, nisi numberet, & ab hoc impediretur defecta dotis, quam Pater dare non potest, Mater debebet, ut constat ex cit. L. 14. sic Rebello. p. 2. de obligat. iust. l. 5. q. 4. n. 2. & alii. 2. Mater, si foret heretica, aut infidelis, filia vero fidelis, & Catholica, ob favorem religionis compellitur dotare filiam usque ad legitimam portionem, ei competentem, tametsi ex Patre, aut aliunde dotem habeat. L. Cognovimus C. de heret. & confirmatur ex cit. L. 14. ibi: vel lege specialiter expressa.

§. 3.

De Obligatione Avi paterni dotandi neptem.

Casus esse potest, quando nepcis habet Patrem divitem. 2. quando inopem: in primo casu avum paternum teneri ad dotandam filiam ex bonis, non suis, & nomine suo, sed ex bonis filii, & nomine ejus, probabilius censem Baldus in Authent. Res, que. C. Communia de Legat. Fachinæus l. 10. Controvers. c. 40. & alii, quos citat, & sequitur Castropalaus cit. n. 2. Nam filias dotare, paternum est officium. L. ult. C. de dot. promiss. ergo Patre valente dotare filiam, non est recurrentum ad avum, ut id faciat ex bonis suis.

Kkk 2

Nec

Nec obstat, quod obligatio dotandi potissimum fundetur in patria potestate, juxta L. qui liberos. ff. de ritu nupt. quia tamen hæc patria potestas, respectu filiæ, competit Patri prius, quam avo; hic solum in illius defectu tenetur. Idem responderur ad L. ult. C. de promiss. dot. ubi dicitur, paternum esse officium dare dotem pro sua progenie, hoc est descenditibus, & L. dedit dotem. ff. de collat. bonorum, ubi habetur, officium avi circa neptem ex officio Patris circa filium pendere, & quia pater filium, ideo avum, propter filium, nepti dotem dare debere: responderetur enim ut dixi, ad L. ult. id omnino procedere, nimirum avo inesse obligationem dotandi suam progeniem, seu descendentes, sed deficiente Patre; & ad L. dedit, avum, propter filium teneri dare dotem nepti, si filius inops sit; ex quo constat ad alteram partem casus in principio hujus S.

Ad rationem in contrarium in n. 1776. resp. trans. ma. dist. min. & si etiam avus paternus inops sit. C. si dives; N. min. ex ratione priori numero. Ad alteram ibidem Resp. N. ma. ex n. 1265. & 1771. Nec obstat, quod avus paternus neptem divitem non teneatur alere; quia obligatio alimentorum fundatur in necessitate, ac indigentia, cui locus non est apud divitem; necessitas autem dotis est ad commodius, ac decentius acquirendum matrimonium, ac ejus onera sustinenda (certum enim est, hoc obtineri melius, si preter dotem etiam afferat paraphernalia, qui titulus non cessat in nepte divite; pertinet, quia, si, propter bona Matris filie negari posset dos, ab his, qui eam ex officio dorare debent, in ejus incommodum vergeret, quod in ejus favorem introductum est, nimirum carere dote avi propter favorem ex bonis Matris opulentæ.

§. 4.

An Mater, vel avus paternus, primo loco tencatur ad constituendam dotem?

1776. Dubium, de quo in præsens, est in hac quæstione, an inope Patre, sed Matre divite, nepti dotem teneatur primo constitutre Mater, vel avus paternus? Affirmativam, quod Mater, tenet Castropalaus cit. §. 2. n. 3. pro se allegans Fachinæum. l. 10. c. 40. Tum quia Mater dives tenet dotare filiam, cum urgeat causarationis, ut constat ex L. 14. in n. 1774. sed ubi & Pater, & filia, inops est, urgeat rationabilis causa; tum quia avus paternus non teneatur neptem divitem dotare, teste Fachin. cit. c. 4. sed ubi Mater ejus dives est, & illa censetur dives; cum stante Matre divite ad ejus legitimam jus habeat, filia, ergo. Contrarium tamen probabilius videtur; ratio est, quia Mater, per se loquendo, non obligatur ad dotandam, filiam ex n. 1774. Pater autem ex officio, & avus pariter propter filium in hujus defectu, ex n. 1775. in casu autem, quo duobus incumbit obligatio, unius per se, & ex officio; alterius, solum per accidens, per se loquendo ad implendam talem obligationem primus teneatur ille cum potest; alter solum in hujus defectu; ergo; sic Haunoldus tom. 1. de Jus. tr. 4. n. 386. & alii.

§. 5.

De Obligatione Patrui dotandi Sobrinam; & Fratri, Sororem.

Cum de Patruo quoad Sobrinam nihil iure communi constitutum sit, ut notat Rebellus P. 2. l. 5. q. 4. n. 26. ex hoc capite nullam illi obligationem statuerit licet. Fratrem autem respectu sororis inopis, ex eodem Patre, obligatum esse, communis tenet, & probatur. Nam in L. Cumplares. Si penult. ff. de administr. & periculo Tutorum, legitur: sed non dat dotem sorori alio à patre natus, etiam si alter ea nubere non potuit. Cum ergo ab obligatione dotandi sorores inopes incumbente Fratri excipiant sole soror uterina, esto inops sit (nimirum ex eadem Matre, sed non Patre) tenebitur dotare sororem ex eodem patre, & à fortiori ex utroque parente, si inops sit. Nam exceptio firmat regulam in contrarium.

Ex hoc colliges, Fratrem à fortiori teneri alere sororem suam inopem, si sit ex eodem patre, vel ex parentibus utriusque communibus. Nam à dote ex obligatione, per se loquendo, valet argumentum ad alimenta, licet non econtra. Nam i. pater, naturalis tantum, spuriæ debet alimenta; & filius Matri inopi; non tamet dotem. Porro ab hac obligatione, ut Frater dotet sororem, non excusat, quod ipse